





第一〇八四冊

四庫全書

● 上海古籍出版社

本冊目次

廣	補目	浣	禪	白	徐	羅	附	黃	附	玄	唐
成		花	月	蓮	正	昭		御		英	英
					字	諫		史		歌	
集	遺錄集	集	遺集	集	賦	集	錄	集	錄	集	詩

蜀杜光庭撰……………五八五	唐韋韋莊撰……………五三一	唐釋貫休撰……………四二三	唐徐寅撰……………二八七	唐釋齊己撰……………三二七	唐羅隱撰……………一九一	唐黃滔撰……………八七	唐方干撰……………四三	唐吳融撰……………一
---------------	---------------	---------------	--------------	---------------	--------------	-------------	-------------	------------

欽定四庫全書

集部
唐英歌詩卷上
中

詳校官國子監司業臣納麟寶

檢討臣何思鈞覆勘

總校官進士臣朱鈐

校對官編修臣錢樾

謄錄監生臣魏鈞

欽定四庫全書

集部二

唐英歌詩

別集類一 唐

提要

臣等謹案唐英歌詩三卷唐吳融撰融字子

華越州山陰人龍紀元年登進士第昭宗時

官至翰林學士承旨戶部侍郎知制誥事迹

具唐書本傳融與韓偓同第進士又同為翰

林學士故偓有與融玉堂同直詩然二人唱

欽定四庫全書

唐英歌詩

酬僅一兩篇未詳其故以立身本末論之偓

心在朝廷力圖匡輔以孱弱之文士毅然折

逆黨之凶鋒其詩所謂報國危曾捋虎鬚者

實非虛語純忠亮節萬萬非融所能及以文

章工拙論則融詩音節諧雅猶時有中唐之

遺風較偓所作有過之無不及焉在天祐諸

詩人中雖間遠不及司空圖沉摯不及羅隱

繁富不及皮日休奇闕不如周朴然其餘作

者實罕與雁行唐書本傳稱昭宗反正融於

御前跪作十餘詔少選即成意詳語當唐詩

紀事又稱李巨川為韓建草謝表以示融融

吟罷立成一篇巨川賞歎不已蓋在當時亦

鐵中錦錦者矣乾隆四十六年十月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

唐詩集評

二

欽定四庫全書

唐英歌詩卷上

唐 吳融 撰

奉和御製

微寺清秋霽宸遊水日閒霓旌森物外鳳吹落人間玉

漱穿城水屏開對闕山皆知聖情悅麗藻灑芳蘭

和集賢相公西溪侍宴觀競渡

片水聳層橋祥煙霽慶霄畫花鋪廣宴晴雷閃飛橈浪

欽定四庫全書

唐詩集評

疊搖仙仗風微定彩標都人同盛觀不覺在行朝

山居即事 四首

桂樹秋來風滿枝碧巖歸日免非期故人盡向蟾宮折

獨我攀條欲寄誰

不做南牕且採樵乾松每帶濕雲燒庖却得長蕪味

三秀芝根五木苗

萬事翛然只有棋小軒高靜簟涼時闌珊半局和微醉

花落中庭樹影移

無鄴無里不成村水曲雲重掩石門何用深求避秦客
吾家便是武陵源

紅白牡丹

不必繁絃不必歌靜中相對更情多殷鮮一半霞分綺
潔澈旁邊月朧波看久願成莊叟夢惜留須倩魯陽戈
重來應共今來別風墮殘香觀綠莎

中秋十五夜陪熙用學士侍郎禁中詠月因書五

言六韻

欽定四庫全書

唐詩集注
卷上

二

月圓年十二秋半每多陰此夕無纖霽同君宿禁林未
高知海潤當午見宮深衣似繁霜透身疑積水沉遭逢
陪侍華歸去憶抽替太液池南岸相期到曉吟

題蒙家故池

歲久無泉引春來仰雨流萍乾粘巧檻沙淺露沉舟照
影人何在持竿客寄遊翛然興廢外迴首謝眠鷗

偶題

賤子曾慶國士知登門倒屣憶當時西川酌盡看花酒

東閣編成詠雪詩莫道精靈無伯有尋聞任俠報爰綵
烏衣舊宅猶能認粉竹金松一兩枝

渚宮立春書懷

春候侵殘臘江蕪綠已齊風高鶯轉溢雨密雁飛低向
日心須在歸朝路欲迷近聞驚御火猶及瀟陵西
聞李翰林遊池上有寄

花飛絮落水和流王署詞臣奉詔遊四面看人隨畫鷁
中流合樂起眠鷗皇恩自抱丹心報清頌誰將白雪酬

欽定四庫全書

唐詩集注
卷上

三

不為禁鐘催入宿前峰月上未迴舟

谷口寓居偶題

淙淙病體怯朝天谷口歸來取性眠峭壁削成開畫障
清溪飛下咽繁絃不能塵土爭閒事且放神形學散仙
已熟前峰採芝逕更於何處養殘年

無題

萬態千端一瞬中沁園蕪沒竹秋風鷓鴣夜警池塘冷
蝙蝠畫飛樓閣空粉貌早聞殘洛市簫聲猶自傍秦宮

今朝陌上相非者曾此歌鐘幾醉同

賦雪

一夜陰風度平明顚氣交未知融結判唯見混茫包路
莫藏行跡林難出樹梢氣應封獸穴險必墮禽巢影密
燈迴照聲繁竹送敲散宜酥讓點食稱密同抄凍結防
魚轉粘沙費馬跑爐寒竇熟荻屋暖賴編茅遠不分山
疊低宜失地坳闌干高百尺新霽若為拋

寄僧

欽定四庫全書

唐詩集
卷上

四

柳拂池光一樣清紫方袍帶杖藜行偶傳新句來中禁
誰把閒書寄上卿門倚山根重薜破基敲石面碎雲生
應憐正視淮王詔不識東林物外情

酬僧

吾師既續惠休才况值高秋萬象開吟處遠峰橫落照
定中黃葉下青苔雙林不見金蘭久丹梵空翻組繡來
聞說近郊寒尚綠登臨應待一叨陪

題延壽坊東南角古池

蔓草蕭森曲岸摧水龍沙淺露萑苔更無簇簇紅粧點
猶有雙雙翠羽來雨細幾逢耕犢去日斜時見釣人回
繁華自古皆相似金谷荒園土一堆

登鶴雀樓

鳥在林梢脚底看夕陽無際戌烟殘凍開河水奔湍急
雪洗條山錯落寒始為一名拋故國近因多難怕長安
祖鞭掉折徒為爾贏得雲溪負釣竿

和峽州馮使君題所居

欽定四庫全書

唐詩集
卷上

五

三年拔薤成仁政一日誅茅葺所居晚岫近排吟閣冷
夜江遙響寢堂虛唯懷避地逃多難不羨朝天卧直廬
記得街西隣舍否投荒南去五千餘

秋日感懷

一葉飄然夕照沉世間何事不經心幾人欲話雲臺峻
獨我方探禹穴深難樵固應無下策鶴書還要問中林
自憐情為多憂動不為西風白露吟

鶯

月落林西鳥未知自先飛上最高枝千啼萬語不離恨
已去又來如有期慣識江南春草處常驚到北夢回時
謝家園裏成吟久只欠池塘一句詩

次韻和王員外雜遊

一分難減亦難加得似溪頭浣越紗兩渠慣邀催去艇
七香曾占取來車黃昏忽墮當樓月清曉休開滿鏡花
誰見玉郎腸斷處露牀風簾半欹斜

秋事

欽定四庫全書

唐詩卷上

六

江天暑氣自涼清應候須因一雨成松竹健來惟欠語
蕙蘭衰去始多情他年擬獻書空在此日知機意盡平
更欲輕撓放烟水葦花深處睡秋聲

和陸拾遺題諫院松

落落孤松何處尋月華西畔結根深晚含仙掌三清露
晚上宮牆百雉陰野鶴不歸應有怨白雲高去太無心
碧巖秋澗休相望捧日元須在禁林

題揚子津亭

揚子江津十四經幾行文字過長亭驚人旅髻斬新白
無事海門依舊青前路莫知霜凜凜故鄉何處鴈冥冥
可憐不識生離者數點漁舟落暮汀

閒望

三點五點映山雨一枝兩枝臨水花蛺蝶狂飛掠芳草
鴛鴦熟睡翹暖沙闕下新居非故業江南舊隱是誰家
東還西去俱無計却羨暝歸林上鴉

雪後過昭應

欽定四庫全書

唐詩卷上

七

路過章臺氣象寬九重城闕在雲端烟含上苑沉沉紫
雪露南山懽懽寒綺陌已堪馳寶馬綠蕪行即墮金丸
灞川南北真圖畫更待殘陽一望看

商人

百尺竿頭五兩斜此生何處不為家北拋衛岳南過鴈
朝發襄陽暮看花踰蹬也應無陸地團圓那覺有天涯
隨風逐浪年年別却笑如期八月槎

岐下聞杜鵑

化去蠻鄉北飛來渭水西為多亡國恨不忍故山啼怨
已驚秦鳳靈應識漢雞數聲烟漠漠餘思草萋萋樓迥
波無際林昏日又低如何不腸斷家近五雲溪

雨夜聞思歸樂 二首

山禽連夜叫兼雨未嘗休解道思歸樂應多離別愁我
家方旅食故國在滄洲聞此不能寐青燈茅舍幽
一夜鎮飛鳴間闕徹五更似因歸路隔長使別魂驚未
省愁雨暗就中傷月明須知越吟客欹枕不勝情

欽定四庫全書

唐詩卷上

中夜聞啼禽

漠漠蒼蒼未五更宿禽何處兩三聲若非西澗迴波觸
即是南塘急雨驚金屋獨眠堪寄恨商陵永訣更牽情
此時歸夢隨腸斷半壁殘缸閃閃明

靈池縣見早梅

時太尉中書令京兆公
奉詔封蜀余在幕中

小園晴日見寒梅一寸鄉心萬里迴春日遲時拋笠澤
戰塵飛處上琴臺棲身未識登龍地落筆元非倚馬才
待勒燕然歸未得雪枝南畔少徘徊

野廟

古原荒廟掩莓苔何處喧喧鼓笛來日暮鳥歸人散盡
野風吹起紙錢灰

閒書

接鷺陪鷺漫得羣未如高卧紫溪雲晉陽起跡尋常說
湖口屯營取次聞大抵鵝鵬須自適何嘗玉石不同焚
迴看帶礪山河者到得危時沒舊勳

寄貫休上人

欽定四庫全書

唐詩卷上

別來如夢亦如雲八字微言不復聞世上浮沉應念我
筆端飛動只降君幾同江步吟秋霽更憶山房語夜分
見擬沃州尋舊約且教丹頂許為隣

書懷

傍巖依樹結簷樞夏物蕭疎景更清灘響忽高何處雨
松陰自轉此山晴見多隣犬遙相認來慣幽禽近不驚
爭敢便誇饒勝事九衢塵裡免勞生

重陽日荊州作

萬里投荒已自哀，高秋寓目更徘徊。濁醪任冷難辭醉，黃菊因喧却未開。南國莫歸戎馬亂，故人何在塞鴻來。驚時感事俱無奈，不待殘陽下楚臺。

松江晚泊

樹遠天宜盡，江奔地欲隨。孤帆落何處，殘日更新離。客是淒涼本，情為繫滯枝。寸腸無計免，應只楚猿知。

湖州溪樓書獻鄭員外

危檻等飛牆，閒追晚際涼。青林上雨色，白鳥破溪光。目

欽定四庫全書

唐詩集卷之十

十

以高須極心，因靜更傷唯。公舊相許，早晚侍長楊。

秋興

微雨過菰葦，野居生早涼。襟期漸蕭灑，精爽欲飛揚。魚買罾頭活，酒沽船上香。不緣人不用，始道靜勝忙。

端居

巾雨度前汀，端居枕簟清。病根隨暑退，詩思傍涼生。別燕殷勤語，殘蟬髣髴鳴。古來悲不盡，況我本多情。

途中

一棹歸何處，蒼茫落照昏。無人應失路，有樹始知村。湖岸春耕廢，江城戰鼓喧。儒冠久相誤，學劍盡乘軒。

寄賁休

休公何處在，知我宦情無。已似馮唐老，方知武子愚。一身仍更病，雙鬢又須趨。若得重相見，冥心學半鉅。

秋日渚宮即事

漠漠澹雲煙，秋歸澤國天。風高還促燕，雨細未妨蟬。靜引荒城望，涼驚旅枕眠。更堪憔悴裡，欲泛洞庭船。

欽定四庫全書

唐詩集卷之十

十一

荊州偶居書懷

一室四無隣，荒郊接古津。幽閒消俗態，搖落露家貧。絕跡思浮海，修書嬾寄秦。東西不復問，翻笑泣岐人。

和嚴諫議題蕭山廟十韻

舊說常聞蕭管聲，因而得名次韻。

澤國瞻遺廟，雲韶仰舊名。一隅連嶂影，千仞落泉聲。老狄尋危棟，秋蛇束畫楹。路長資稅駕，歲晚儉豐盈。默雖難測，昭昭本至平。豈知遷去客，自有復來兵。美舜歌徒作，欺堯犬正狞。近無聞順動，敢復怨征。日出天須

霽風休海自清肺腸無處說一為啟聰明

西陵

一本多夜
居二字

寒潮落遠汀
暝色入柴扃
漏水沉沉靜
燈明的的青
林風移宿鳥池
雨定流螢盡
夕成愁絕啼
蛩莫近庭

鷺雛

掠水身猶重
隈風夕尚微
瓦苔難定立
簷雨忽喧歸
未識重溟遠
先愁一葉飛
銜泥在他日
兩兩占春暉

新秋

欽定四庫全書

唐詩
卷上

白髮又經秋
端居海上洲
無機因事發
有涕為時流
新酒乘涼壓
殘棋隔夜收
公車無路入
同拜老閑侯

題越州法華寺

寺映

一作

五峰陰穿緣一逕
尋雲藏古殿
暗石護小房

深宿鳥連僧定
寒猿應客吟
上方應見海
月出試登臨

寒食洛陽道

路岐無樂處
時節倍思家
綵索驅輕吹
黃鸝啼落花
連

乾馳實馬歷祿聞
香車行客勝
回首看看春日斜

憶事

去年花下把金卮
曾賦楊花數句詩
回首朱門閉荒草
如今愁到牡丹時

金陵遇悟空上人

上人與故相
國楊公有舊

東閣無人事
渺茫老僧持鉢過
丹陽十年棲止如何報
好為南嶽剎炷香

途中

柳弱風長在雲輕
雨易休不勞芳草色
更惹夕陽愁萬

欽定四庫全書

唐詩
卷上

里獨歸去五陵無與遊
春心漸傷盡何處有高樓

秋園

始憐春草細
霏霏不覺秋來綠
漸稀惆悵擷芳人散盡
滿園烟露蝶高飛

富春

天下有水亦有山
富春山水非人寰
長川不是春來綠
千峰倒影落其間

山居即事

小亭前面接清崖白石交加襯綠苔日暮松花滿階砌
不闕風雨鶴歸來

寓言

非明非暗臘臘月不暖不寒緩緩風獨卧空牀好天氣
平生閒事到心中

華清宮 二首

四郊飛雪暗雲端唯此宮中落旋乾綠樹碧簷相掩映
無人知道外邊寒

欽定四庫全書

唐詩集

古

長生秘殿倚青蒼樹蔽金庭不死鄉無奈逝川東去急
秦陵松柏滿殘陽

過九成宮

鳳輦東歸二百年九成宮殿半荒阡魏公碑字封蒼鮮

魏文貞
微有碑

文帝泉聲落野田

太宗行幸有
豐泉自湧

碧草斷霞仙掌

露綠楊猶憶御爐烟昇平舊事無人說萬疊青山但一

川

出潼關

重門隨地險一徑入天開華岳眼前盡黃河腳底來飛
軒何滿路丹陛正求才獨我無稽客飄然又此回

過丹陽

雲陽縣郭半郊垌風物蕭條萬古情山帶梁朝陵路斷
水連劉尹宅基平桂枝自折思前代

李方功於
此知貢舉

藻鑑難

逢恥後生

此文學於
此集英堂

遺事滿懷無滿目不堪孤棹倚荒

城

和人題武城寺

欽定四庫全書

唐詩集

十五

神鷲已覺三清近目斷仍勞萬象牽渭水遠含秋草渡
漢陵高枕夕陽天半巖雲粉千竿竹滿寺風雷百尺泉
別有關於壓行路看人塵土竟流年

長安里中聞猿

夾巷重門似海深是猿爭得此中吟一聲紫陌纔回首
萬里青山已到心慣倚客船和雨聽可堪侯第見塵侵
無因永夜聞清嘯禁路人歸月自沉

岐下聞子規

細閣西南遠鳳臺蜀魂何事此飛來偶因隴樹相迷至
唯恐邊風却送回自有花如啼血處更無猿聲斷腸哀
誰憐越客曾聞處月落江平晚霧開

數水有丐者云是馬侍中諸孫憫而有贈

天地塵昏九鼎危大貂曾出武侯師一心忠赤山河見
百戰功名日月知舊宅已聞栽禁樹即今奉誠園諸孫仍見

丐征岐而今不要教人識正藉將軍死關時

還俗尼

本尼歌妓

欽定四庫全書

唐詩

六

柳眉梅額倩粧新笑脫袈裟得舊身三峽却為行雨客
九天曾是散花人空門付與悠悠夢寶帳迎回暗暗春
寄語江南徐孝克一生長短託清塵

彭門用兵後經汴路

三首

長亭一望徘徊千里關河百戰來細柳舊營猶鏢月
祈連新塚已封苔霜凋綠野愁無際燒接黃雲慘不開
若比江南更牢落子山詞賦莫興哀

隋隄風物已淒涼堤下仍多舊戰場金鉞有苔人拾得

蘆花無主鳥銜將秋聲暗促河聲急野色遙連日色黃
獨上寒城正愁絕戍聲驚起鴈行行

鐵馬雲旗夢渺茫冬來無處不堪傷風吹白草人行少
月落空城鬼嘯長尚有一作紛爭驚宇宙可憐蕭索絕
煙光曾為塞北間遊客遼水天山未斷腸

寄殿院高侍御

黃梅雨細羅長洲柳密花稀水慢流釣艇正尋逋客去
繡衣方結少年遊風前不肯看垂手燈下還應悞點頭

欽定四庫全書

唐詩

七

一夜自憐無羽翼獨當何遜滴階愁

新安道中翫流水

一渠春碧弄潺潺密竹繁花掩映間看處便須終日住
算來爭得此身閒榮軒似接迷春洞清冷應憐有雪山
上却征車更回首了然塵土不相關

憶釣舟

青山卜一作小

隱枕潺湲一葉垂綸幾折沿後浦春風隨

興去南塘秋雨有時眠慣衝曉霧驚犀雁愛颭殘陽入

亂煙回首無人寄惆悵九衢塵土困揚鞭

靈寶縣

西側律一本題作靈寶縣西側律

碧溪漱漱流殘陽晴沙兩兩眠鴛鴦柳花無賴苦多暇
蛺蝶有情長自忙千里宦遊成底事每年風景是他鄉
高歌一曲垂鞭去盡日無人識楚狂

即席

家住叢臺倩名參絳圃新醉波疑奪燭嬌態欲沉春伴
雨聊過楚歸雲定占秦桃花正濃暖爭不浪迷人

欽定四庫全書

唐詩集卷上

十八

出遊

園密花藏易樓深月到難酒虛留客盡燈暗速更殘
想眉間印鵝知頂上盤文王之圃小莫惜借人看

送僧歸日本國

滄溟分故國渺渺泛杯歸天盡終期到人生此別稀
無風亦駭浪未午已斜暉繫帛何須鴈金烏日日飛

夏夜有寄

月上簾如水軒高簾在鉤竹聲寒不夏蛩思靜先秋
偶

得青霄與方知白日愁所思何處遠斜漢欲低流

春詞

鸞鏡長侵夜鴛衾不識寒羞多轉面語妬極定睛看金
市舊居近鈿車新造寬春期莫相誤一日百花殘

送僧歸破山寺

萬里指吳山高秋杖錫還別來雙闕老歸去片雲閒
師在有無外我嬰塵土問居然本相別不要慘離顏

汴上晚泊

欽定四庫全書

唐詩集卷上

十九

亭上風猶急橋邊月已斜柳寒難吐絮浪濁不成花
歧路春三月園林海一涯蕭然正無寐夜櫓莫咿啞

送僧南遊

戰戰鳴未已瓶屨抵何鄉偶別塵中易貪歸物外忙
後蟬拋郭杜先鴈下瀟湘不得從師去殷勤謝草堂

戲

恨極同填海情長抵導江丁香從小結蓮子徹枝雙
整簷花迎一作當檻吹燈月在窗秦臺非久計早晚降霓幢

雪中寄盧延讓秀才

苦貧皆共雪吾子豈同悲一作永日應無食經宵必有

詩渚宮寒過節華省試臨期努力圖西去休將凍餒辭

花村六韻

地勝非離郭花深故號村已憐梁雪重仍覩楚雲繁山
近當吟冷泉高入夢喧依稀小有洞邂逅武陵源月好
頻移座風輕莫閉門流鶯更多思百轉待黃昏

賦雪十韻

欽定四庫全書

唐詩卷上

王

雨凍輕輕下風乾浙浙吹喜勝花發處鶯似客來時河
靜膠行棹崑空響折枝終無鷓鴣識先有鵲鴝知馬勢
晨爭急離聲晚更飢替霜嚴柏暑藏月上龍墀百尺樓
堪倚千錢酒要追朝歸紫閣早漏出建章遲臘候一作後

何曾與春工是所資遙知故溪柳排比萬條綠

溪邊

溪邊花滿枝百鳥帶香飛下有一白鷺日斜翹石磯

長安逢故人

歲暮長安客相逢酒一盃眼前閒事盡一作心裏故山

來池影含新草林芳動早梅如何不歸去霜鬢共風埃

雨夜

旅夕那禁雨梅天已惡秋未明孤枕傳相吊一燈愁有
懣慙滄海無機奈白頭何人得濃睡溪上釣漁舟
旅中送遷客

天南不可去君去弔靈均落日青山路秋風白髮人言

危無繼者道在有明神滿目盡秦越平生何處陳

欽定四庫全書

唐詩卷上

王

寄尚顏師

僧中難得靜靜得是吾師到闕不求紫歸山祇愛詩臨
風翹雪足向日剝霜髭自歎眠潭水雙林動所思

微雨

天青濕一作未遍風急舞難成粉重低飛蝶黃沉不語

鶯自隨春靄亂還放夕陽明惆悵池塘上荷珠點點傾

送廣利大師東歸

紫殿久霑恩東歸過海門浮榮知是夢輕別肯銷魂明

發先晨鳥寒棲入暝棲義山如重到應老舊雲根大師喜於

草聖放云

關東獻兵部劉員外

昨夜星辰動仙郎近漢關玳筵吟雪罷錦帳押春還已到青雲上應棲絳闥臨邛有辭賦一為奏天顏

塗次淮口

寒流萬派碧南渡見煙光人向隋宮近山盤楚塞長有村皆綬暗無徑不紅芳已帶傷春病如何更異鄉

欽定四庫全書

唐詩卷三

詠柳

自與鶯為地不教花作媒細應和雨斷輕祇愛風裁好拂錦步障莫遮銅雀臺灞陵千萬樹日暮別離迴

武牢關遇雨

一作深澤春關路迥暮雨細霏霏帶霧昏河浪和塵重客衣望中迷去騎愁裏亂斜暉惆悵家山遠溟濛濕翠微

春寒

固故梅恩落休與杏藏嬌已過冬疑剩將來暖未饒玉

階殘雪在羅薦暗魂銷莫問王孫事煙萼正寂寥

早發潼關

天邊月初落馬上夢猶殘關樹蒼蒼曉天堦澹澹寒宦遊終自苦身世靜堪觀爭似山中隱和雲枕碧湍

送葉上人

昨來非有意今去亦無心闕下拋新院江南指舊林瓶添新澗綠笠卸晚峰陰八字如相許終辭人組尋

和諸學士秋夕禁直偶雪

欽定四庫全書

唐詩卷三

太華積秋雪禁闈生夜寒硯冰憂詔急燈燼惜更殘正遂攀嵇願翻追訪戴歡更為三日約高興未將關

御溝十六韻

一水終南下何年派作溝穿城初北注過苑却東流遶岸清波溢連宮瑞氣浮去應涵鳳沼來必滲龍湫激石珠爭碎縈堤練不收照花長樂曙泛葉建章秋影炫金莖衣光搖綺陌頭旁沾畫眉府斜入教簫樓有雨難澄鏡無萍易擲鈎鼓宜堯女瑟盪必蔡姬舟舳一作通着